

桐梓縣志卷十

秩官志

名宦

紀載賢良不載暴虐宋人州郡志書比較史嚴褒貶大有不同  
桐梓縣地舊屬牂牁漢置郡縣唐設土司由明及清郡縣如故  
二千年中有功於國有德於民者愚氓無知且猶頂戴矧在士  
夫表彰不力循良不顯咎將誰歸茲特遠稽往代近考當今彙  
為一編非曰標榜特誌遺愛云爾

漢

吳霸

華陽國志武帝拜唐蒙為都尉開牂柯斬竹王即以此

吳霸為太守

通志霸表封其三子為侯濮夷亦遂懼服

陳立

臨邛人前為連然長不辜令蠻夷畏之成帝和平中王

桐梓縣志卷六

秩官志

三八

黔南鉛石印刷局代印

鳳薦為

柯太守時夜郎王興與鈞町王禹漏臥侯俞皆震恐

迎降西南夷遂平定會巴郡有盜賊復以立為巴郡太守

節前漢書

西南夷傳

劉寵

華陽國志字世信緜竹人少時孤微以明公羊春秋

上計闕下除成都令後遷牂柯太守初乘一馬之官布衣疏食  
儉以為教居郡九年仍乘原馬而還王商陳貫當世貴士皆與  
為友吏人為之立銘

張亮則

華陽國志字元修南鄭人也為牂柯太守威著南

土以勳勞遷護羌校尉

朱博

漢書字子元杜陵人遷大司農坐法左遷犍為太守

先是南蠻若兒數為寇盜博使反間襲殺之郡遂肅清

朱遵

華陽國志序志字孝仲武陽人公孫述時為犍為太



守稱忠壯復漢將軍

馬忠 (三國志本傳) 字德信閬中人建興三年丞相亮南征拜忠牂牁太守郡丞朱褒反叛之後忠撫育郵理甚有威惠十一年南夷豪帥劉胄反擾亂諸郡徵庾隆都督張翼還以忠代翼遂斬胄平南土封博陽亭侯

按(華陽志)牂牁郡良太守前有吳霸陳立後有漢中張亮則廣漢劉寵犍為費詩巴西馬忠皆著勳烈

黃志

晉

毛楚 (華陽國志後賢志目錄) 牂牁太守毛楚枳人一文立傳一同郡毛楚有美德(通志)為夷人所信服

侯馥 (華陽國志) 字世明江陽人也寧州刺史王遜表馥為江陽太守住江陽之沘源撫郵蠻獠克復江陵請通長江後為

桐梓縣志

卷六

秩官志

三九

李雄所敗不屈放還

唐

牛騰 字思遠即侍中中書令侯炎之甥清儉自守德業過人故王勃等皆出其門下年壯而侯遇害謫為牂牁建安丞口不妄談日不妄視言無偽行無頗是以夷獠漸漬其化適莊州獠反轉入牂牁郡人皆殺長吏以應之騰以惠民免患

宋

熊本 (宋史本傳) 字伯通番陽人兒時知學郡守范仲淹異其文進士上第神宗六年瀘州羅晏夷叛詔查訪梓夔得以便宜治夷事本常通判戎州有擾邊豪酋悉討平之於是諸夷皆



願爲漢官奴神宗勞之曰卿不傷財不害民一旦去百年之患賜三品服以榮之西南用兵南中始此渝州南川獠木斗叛詔本安撫本進營銅佛埧焚積聚以破其黨木斗氣索舉漆州地五百里來歸爲四砦九堡建銅佛埧爲南平軍初熟獠王仁貴以木斗親繫獄本釋其縛置麾下至是摧鋒先登知宜州時有蔡寶銓者扇龍蕃與峒戶相仇殺欲引兵致討以爲功本質之色動縛而投之海蠻夷以爲神

王光祖 (宏簡錄) 字君俞湟原將珪之子也命與楊萬皆受熊本節制征討渝獠分三道進師本疑光祖不爲用使將後軍出黃沙坎比發日已暮夜半抵絕頂質明獠望見大駭一鼓而潰萬等困於松谿又亟往援出石門脫其險促黔兵先登賊舍而去光祖夜泊松嶺上旦始遇萬遂與俱還本愧謝上其功第

一

王伯庠 (玫瑰集王伯庠行狀) 字伯禮乾道五年八月知夔州兼本路安撫見夔部曠遠夷夏雜糅皆以餘力一新之於是接近南平軍之施黔珍三州親致尺書宣布威德不敢再生疑阻矣

字文昌齡 (宏簡錄) 字伯修雙流人登甲第調榮州推官碎經略熊本幹當公事凡攻討招襲建南平諸城砦皆出其計畫官至寶文閣待制知開封府

劉望之 (蜀中著作記) 合江人紹興進士官南平軍教授蠻獠舊俗文化丕變

江彥清 (四川舊志) 彥清巴州人德祐元年瀘守梅應春以城降元元兵併力攻珍珍城陷巷戰死



元

李德輝 字仲實通州潞縣人少貧輟讀監酒豐州嘆曰志士顧安此耶至元九年為皇子西王相明年詔以王相撫蜀其年重慶猶城守東西川各開樞府德輝至成都而府爭遣使接洽德輝恒以危語動東川欲令解體來降殊中使不喻詐計竟以不奉明詔反命果於十三年秋重慶圍潰退守瀘州明年大軍既發德輝留成都供億十五年重慶之圍再合踰月即下紹興南平夔施思播諸山壁水柵隨之皆下而東樞府猶故將也德輝又縱囚歸語合州守將張珏曉以利害又獲詞事李興等十二人縱歸合州以喻張珏之言喻其將王立立即遣李興等至成都覆命德輝即單舸濟江薄城下呼立出降安集其民而能置其吏立德之與金玉飾少艾為謝德輝不受令其轉餽東府

由是合人自立而下皆繪像祀之十七年西南夷羅氏鬼國叛朝議合川湖雲南兵討之德輝止其兵而飛檄諭之夷酋問曰是活合李公耶其人明信可恃即日受命至播州降節牧辦集李忠宜行狀李嗣宗 (明統志)至元末播州千戶守禦勇敢善撫兵衆人咸德之

何彥清 (明統志)播州安撫使有政績以安西行省左丞李德輝有功於播率其民立廟祀之

楊漢英 (明史上官傳)即邦憲子世襲宣慰使頗有勳德於播

明

李崧祥 (江南通志)貴池人正德甲戌進士累遷四川布政使時世廟多營建民困於採木之役崧祥入覲抗疏止之因忤



用事者致仕

龔輝 (獻徵錄) 字實卿餘姚人嘉靖癸未進士授工部主事以營壽宮命督木四川已得大木五千餘根部欲再倍其數公私俱困輝乃繪山川險惡轉運苦狀一十五圖各為貼說具奏始命停止歷陞至工部右侍郎致仕

潘貞 (江南通志) 字累徵天順進士累官四川布政司貴州苗亂徵兵糧於蜀開府罔知所措請以苗攻苗發播州之卒應之

譚希恩 (湖南通志) 字子誠茶陵進士巡撫四川時播州逆跡未露廷議主剿希恩獨主撫云不忍枯萬骨以邀上賞

艾穆 (明史本傳) 字和父平江人以鄉舉累官四川巡撫有告播州楊應龍叛者貴州巡撫葉夢熊請征之穆不欲加兵與

桐梓縣志

卷六 秩官志

四一

夢熊異朝命兩撫臣會勘應龍不願赴貴州乃逮至重慶對簿論斬輸贖放之還後應龍復叛追咎穆奪其職

沈瑞臨 (舊浙江通志) 字夢齡萬曆丁丑進士陞四川按察司僉事備兵川東時楊應龍煽動瑞臨練兵訓武以計拊循之終瑞臨任應龍不敢叛

王士琦 (明史王宗沐傳) 臨海進士官重慶知府楊應龍叛承總督邢玠檄至松坎撫定之進兵備副使坐應龍復叛降湖廣右參政

張彥方 (明史本記) 天啓初充貴州總兵官奢崇明反分兵陷遵義彥方及都司許成名黃連清率兵援之遂復遵義綏陽正安事畢還鎮銅仁

蒲林 (舊綦江縣志) 萬曆二十二年甲午參將郭成總兵劉



成嗣征楊應龍至白石口敗績事聞命制府勦撫屢遣官諭以禍福脅負固不出再命綦江知縣蒲林往會警服林見單騎至倒戈以迎隨面宣德意約其降待以不死應龍俯首聽命制府尋委監司同林往松坎就勘皆款服竟從寬典乃議於安穩設安邊同知卽以林陞任應龍旋又擾扶歡琪等處林奮身往追卽捲甲去明年秦民袁子昇爲賊大仇適繫合江縣獄賊發兵圍之指索子昇當事遣林往林說合江出子昇棄一秦囚保全衆億讒忌者卽騰謗詔下本省逮勘以此去任而賊益無忌矣（綦江縣志）林字小山陝西咸陽舉人知綦江凡七載廷議松坎添設安邊廳卽以林陞授林在安邊同知甫一載（孫紹禹蒲公去思碑）丙申陞安邊同知丁酉以讒忌去任李化龍（明史本傳）字于田長垣人萬曆三年進士二十三年

總督湖廣川貴軍務兼巡撫四川討播州叛臣楊應龍應龍之先曰楊鏗明初內附授宣慰使應龍性猜狠嗜殺數從征調恃功驕蹇知州兵脆弱陰有據蜀志間出剽川縣嬖小妻田岫鳳讒殺妻張氏屠其家用誅罰立威所屬五司七姓不堪其害走貴州告變巡撫葉夢熊疏請大征詔不聽逮繫重慶獄應龍詭將兵征倭自效得脫歸復叛逮不出四川巡撫王繼光發兵討覆於白石應龍委罪諸苗朝廷命邢玠總督值東西用兵勢未能窮治因招撫之應龍益結生苗奪五司七姓地並湖貴四十入屯以界之歲出侵掠是年二月敗官軍於飛練堡都司楊國柱指揮李廷棟等皆死已復破綦江殺參將房嘉寵遊擊張良賢投屍蔽江下僞軍師孫時泰請直取重慶搗成都劫蜀王爲質而應龍遷延聲言爭地界冀曲赦如曩時化龍至成都征



兵未至亦謬爲好語縻之帝聞綦江破大怒追褫前四川貴州巡撫譚希恩江東之職而賜化龍劍假便宜討賊賊焚東坡爛橋梗湖貴路又焚龍泉走都司楊惟忠化龍劾諸大帥不用命者沈尙文逮治童元鎮劉綖皆革職充爲事官諸軍大集化龍先檄水西兵三萬守貴州斷招苗路乃移重慶大誓文武明年二月分八道進兵川師四路總兵官劉綖由綦江總兵官馬孔英由南川總兵官吳廣由合江副將曹希彬受廣節制由永寧黔師三路總兵官童元鎮由烏江參將朱鶴齡受元鎮節制統宣慰使安疆臣由沙溪總兵官李應祥由興隆楚師一路分兩翼總兵官陳璘由偏橋副總兵陳良玘受璘節制由龍泉每路兵三萬官兵三之士司七之貴州巡撫郭子章駐貴陽湖廣巡撫支可大移沅州化龍自將軍策應帝以楚地遼闊又擢江鐸

爲僉都御史巡撫偏沅湖廣設偏沅巡撫自鐸始也推官高折枝先以南川兵進據桑木鎮綖復自綦江入應龍以勁兵二萬屬其子朝棟曰爾破綦江馳南川盡焚積聚彼無能爲也比抗諸路兵皆大敗應龍頓足嘆曰吾不用時秦計今死矣或言水西佐賊化龍詰之疆臣斬賊使二氏交遂絕烏江兵敗績逮下元鎮于理諸將益奮綖先入婁山直抵海龍圍璘疆臣兵亦至賊勢急上固死守遣使詐降化龍檄諸將斬使焚書以綖與應龍有舊諭無通賊綖械其人以自明八路兵皆會圍下築長圍困之更番迭攻六月破土月二城應龍窘與二妾俱縊明晨官軍入城七子皆被執詔磔應龍屍並子朝棟于市自出師至滅賊凡百有十四日楊端自唐乾符中入播二十九世八百餘年至應龍而絕以其地置遵義平越二府分屬川貴化龍初聞父



喪以金革起復至是乞歸終制起工部右侍郎總理河道再以憂去未代叙前平播功晉兵部尙書加少保廕一子世襲錦衣指揮使三十五年起戎政尙書一品秩滿加國柱少傅兼太子太保卒於官年七十謚襄毅贈少師加贈太師化龍具文武才播州之役以劉綎驕蹇先摧挫之而薦其才故綎爲盡力

劉綎 （明史本傳）字省吾都督顯子勇敢有父風萬曆二十八年分兵八道征播以綦 州最要令綎當之應龍熟綎才頗懼益兵守要害二十八年正月諸將克丁山銅鼓巖村遂直搗楠木山羊簡臺三峒峒絕險賊將穆照等率衆數萬連營諸將憚之綎分兵攻其三面大戰於李漢渠生擒其魁餘奔入峒乘勢克三關直搗峒前焚之賊多死盡克三峒擒穆照及賊魁吳尙華是日綎督戰左持金右挺劍大呼曰用命者賞不用命者齒

劍門死者四十人遂大捷應龍乃遣子朝棟維棟及其黨楊珠率銳卒數萬由松坎魚渡羅古池三道並進綎伏萬人羅古池待松坎賊以萬人伏營外待魚渡賊而別以一軍策應賊果至伏盡起綎率部下轉戰斬首數百追奔五十里賊聚守石虎關綎亦掘塹守初綎聞征播命逗留多設難以要朝廷言官交劾議調南京右府僉書綎至是聞之卽辭任總督李化龍以平播非綎不可固留之力薦於朝乃復受事踰夜郎舊城攻克賊于滴淚三坡瓦窰坪石虎諸隘直抵婁山關婁山萬峰插天叢箐中一徑纔數尺賊設木關十三座排柵置深坑百險俱備綎分奇兵爲左右路間道趨關後而自督大軍仰攻奪其關追至永安莊兩軍亦會綎老將持重慮賊衝突聯諸營一據婁山關爲老營一據白石口爲腰營一據永安莊爲前營都指揮王芬者



勇而寡謀每戰輒請爲前鋒屢勝有輕敵心獨營松門堙之衝  
距大營數里賊方有烏江之勝謀再奪婁山適穆照遣使洩芬  
孤軍狀賊乃襲殺芬守備陳大剛天全招討楊愈亦死失亡士  
卒二千人縉聞親率騎往救部將周以德周敦吉分兩路  
賊始大奔追至養馬城而還是日應龍幾被獲乃不敢動身山  
縉懲前失筭近關堅壁且請濟師踰十日克後水圍營冠子山  
尋會馬孔英吳廣諸軍逼海龍圍下與諸將共平賊縉功爲多  
初李化龍薦縉言官謂縉常納應龍賄使使齎玉帶一黃金百  
白金千投化龍家爲化龍父所叱投巡按御使崔景榮家亦如  
之化龍景榮並奏其事詔革縉職永不收錄沒其物于官已錄  
平播功進左都督世廕指揮使縉於諸將中最驍勇所用冰鏡  
刀百二十斤馬上輪轉如飛天下稱劉大刀天啓初贈少保世

廕指揮僉事立祠曰表忠(殉節諸臣錄)左軍都督府左軍都  
督府僉書府事總兵官劉縉南昌人於諸將中最驍勇歷平九  
絲蠻緬甸羅雄朝鮮倭播州建昌諸寇大小數百戰威名甚著  
萬曆四十六年四路出師由寬佃道進與清兵戰於阿布達哩  
岡兵潰戰死有養子招棟突圍出手格殺數人人力竭死之乾隆  
四十一年賜諡忠壯

馬孔英 高折枝 (明史馬孔英傳)初本宣府寨外降丁積  
戰功累擢都督僉事曾大兵征播州孔英道出南川去海龍圍  
六七百里未至重慶推官高折枝監紀軍事請獨當一面乃與  
參將周國柱先以石柱宣撫馬千乘兵破賊寸金筑復督酉陽  
宣撫冉御龍敗賊於官填孔英至軍平茶邑梅兵亦集軍容甚  
壯先師期一日入眞州用土官鄭葵路麟爲鄉導別遣邊兵扼



明月關諸軍鼓行而前連破四寨次赤崖抵清水坪封寧關破賊營十數逼桑木關關內民降者日千計折枝結三大寨處之禁殺掠降者日衆賊益孤關爲賊要害山險箐深賊憑高拒守

出關左右國柱搗其中賊用標槍藥矢銳甚官軍殊死戰遂北至風坎關連破九柵黑水諸關苦竹羊崖銅鼓諸寨國柱攻金子垠無一人疑有伏焚空砦十九嚴兵以待賊果突出擊敗之孔英乃留王之翰兵守白玉臺衛饒道平茶邑梅兵守桑木關而親率大軍進營金子垠應龍聞桑木關破大懼遣弟世龍及楊珠以銳卒劫之翰營之翰走殺饒兵無算平茶兵來援賊始退孔英還擊世龍復卻裨將劉勝奮擊賊乃奔官軍進朗山進蒙子橋深箐翳賊處處設伏悉勦平之應龍益懼遣其黨詐降謀爲內應折枝盡斬之設伏以待果夜劫營

伏發賊驚潰追奔至高坪奪賊養馬城直抵海龍圍第二門下賊兵益多孔英兵已深入而諸道未有至者酉陽延綏兵皆退賊躡殺官兵六十人居數日劉綬兵至乃合兵連克海巖海門諸關賊走保固上竟覆滅錄功進都督同知世廕千戶

吳廣 廣東人廣以總兵官征播出台江路副將曹希彬出永寧受廣節制時劉綬馬孔英已入播廣猶屯二郎垠總督李化龍促之乃分四哨進攻巖門別遣永寧女士司奢世績扼桑木關以防饒道諸將連破數屯進營母猪塘楊應龍懼令通緒盡發關外兵拒敵廣設礮手於磨槍壩外而遣裨將趙應科挑戰通緒中砲墜馬官兵遂北盡降其衆遂薄巖門賊衆萬餘出關拒戰希彬懸賞追擊至第四關賊中男婦盡哭殺其魁羅進思以降其第一關猶不下廣乘勝夜奪之時劉綬馬孔英已入關



李應祥陳璘猶在關外廣合希彬軍連戰紅碗水土崖分水關皆捷進營水牛塘應龍以廣軍深入謀欲襲之乃遣人詐降自擁衆三萬直衝大營會他將來援賊乃退廣與諸道軍遂逼海龍國急焚第二關奪三山絕其樵汲與陳璘從國後登應龍自焚初廣中毒矢絕而復甦後論功贈都督同知世廕千戶節明史本傳

陳璘 字朝爵廣東翁源人累官都督同知征播之役由偏橋進副將陳良弼由龍泉受璘節制軍次白泥楊朝棟率衆二萬渡烏江迎戰璘分兩翼迎敵追奔至龍溪山賊合江外四牌賊抵抗四牌固五司遺種又有九股苗助之璘廣招撫乃進兵龍溪賊營矢石雨下把總吳應龍等陷陣賊退四牌保兒國夜由國後遁去追及於袁家渡四牌之賊遂盡三月望爲浮橋渡江知賊將營七牌野猪山璘卽夜抵苦棟坪前後夾攻之官軍遂

入苦菜關會童元鎮烏江師敗璘請暫退李化龍促進楠木橋次湄潭賊聚青蛇長坎瑪瑙保子四國璘遂與良弼軍會次第克平四國斬首一千九百有奇乃分遣六道攻克三渡關乘勝抵海龍國下璘乘夜銜枚上國斬其守關者應龍自焚叙平播功加左都督世廕指揮使節明史本傳

李應祥 湖廣九谿衛人以武生從軍累官都督征播之役童元鎮逗遛被劾以應祥代其軍時分兵八道貴州分烏江興隆二道詔元鎮充爲事官由烏江入應祥由興隆入未受事副將陳寅等已連克數國拒賊四牌別遣兵間道搗龍水國他將蔡兆吉又過四牌近逼謝朝俸營官兵死戰俘朝俸妻子乘勢抵河畔會聞烏江敗書斂兵不進者旬日及應祥受任趨急渡江於是間道濟師降者日衆賊所恃祇黃灘一關降將石勝俸由



墳林暗渡襲關後黃灘之賊遂敗應祥直抵海龍圍下合諸道  
兵共攻應龍播遂平以功封左都督世廕千戶節明史本傳

江鐸 字士振仁和人登第在萬曆二年累官偏沅巡撫夾攻

楊應龍有功與郭子章皆世廕錦衣指揮節明史李化龍傳

王鳴鶴 字羽卿淮陰人按林桐題羽卿詩後碑節略云當時

與數大將軍進討圍壘時鳴鶴獨當山右一路為圍師所急之

處攻之急賊備之益力周旋山谿日日熟籌之至六月五日午

夜起將士萬餘上圍方略誓師以破賊而後朝食自橫槊先登

漏下五鼓直透山巔挺身大呼將校奮勇齊至喊殺之聲振撼

山谷賊眾披靡一時俱盡乃羽卿遂屏樹以俟諸大將軍搜元

凶尸並逆子女妻妾以獻據此當日平播之功鳴鶴不在緹下

明史不登故黃志特先紀之

桐梓縣志 卷六 秩官志

楊寅秋 (通志) 字義叔討播之役寅秋監黔蜀軍與中丞郭

子章計用安氏以剪其羽翼乃檄安疆臣率所部從沙溪入戰

於大水田四方兵始合子章為請卹立忠勳祠以祀之

卞孔時 字汝行江鐸請於朝以孔時監陳濞軍從白泥入播

卒成大功其後大礪陳寧以礦稅來楚以阻撓稅法劾孔時被

逮十三年君子惜之江津縣志 祀鄉賢

王象乾 (陳志) 山東新城人文武家傳最嫻方略以總督撫

蜀善後播事凡播中分設郡縣更置牧守則壤田賦一切選賢

任能使之辦理駐節渝中以監臨之至於殫心以復故疆不啻

任若家事尋以外艱去播人祠祀之

李標 字長孺鄞人萬歷四十七年秋巡撫貴州貴州宣慰安

邦彥宣慰使堯臣族子堯臣死子位幼其母奢社輝代領其事



社輝永寧宣尉奢崇明女弟也邦彥遂專兵柄會朝議徵西南兵援遼邦彥素桀黠欲乘以起事詣樓請行樓諭止之天啓元年奢崇明反重慶陷遵義貴陽大震會樓六疏乞休至是始允以王三善代尙未到來樓遂留視事時城中兵糧空虛樓與巡按御史史永安借貸鄰省治戰守具急遣總兵官張彥方都司許成名黃運清監軍副使朱芹提學僉事劉錫元等援四川屢捷遂復遵義綏陽湄潭眞安桐梓聞三善將進兵日夜攻城至二年十二月七日三善兵抵貴陽圍始解樓乃辭兵事解官去

節明史本傳

侯采 (南溪縣志)良柱任天啓元年沙酋叛給把總劄隨良佐征剿恢復綦桐後陞總兵

王祥 (綦江縣志)思灘里人崇禎初以武生充九盤子隘官

桐梓縣志 卷六 秩官志

其後張獻忠躡器惟遵義屬地被祥據守賊不敢近(勝朝殉節諸臣錄)掛征討將軍印封忠國公後被賊將白文選反攻兵敗烏江走正安南嶽寺自盡寺壁上臨死時絕詩有今亡猶是大明臣共結君臣萬古愁之句

據(任濟午撰王祥逸事)妻熊氏深明大義永明王母寧聖慈肅太后屢有諭賜稱旣脫簪珥以裕軍復捐資奩而佐膳至比以韓世忠章仔均之妻云云祥死亦殉節

孫敏政 湖廣興國人以重慶府同知承檄入播凡善後事多藉理焉監督丈量親臨阡陌經理財賦悉心計籌務求安便不苟且塞責尤為百世利賴尋陞遵義知府(通志)敏政為府絕苞苴禁饋獻嚴構訟鋤豪猾拯疾苦卹災祲

黃志據陳志

何珩 (陳志)湖廣人萬曆庚子平播設桐梓縣任自珩始珩



依山因水爲城周圍二里厚五尺許設四門建縣堂置祠廟招四方民插丈爲業

萬建侯 湖廣舉人是時桐梓新設諸務未舉建侯到任凡田賦差役供應費用以及公廳行者寺觀橋梁無不經營籌劃規制無缺建侯之功居多

黃志據

洪維翰 江西舉人萬曆四十七年到任天啓元年四川藺賊奢崇明倡亂據重慶陷桐梓賊至維翰坐縣堂罵賊不屈索印維翰曰印在喉下索銀曰銀在喉下顏色甚厲賊義之不敢辱閱三日詣虎峯之崇德廟作來桐記題詩於柱其末云憾乏張巡相拒力願爲厲鬼殺崇明遂自經死僕從之死者數人後賊平督撫以聞賜葬祭廕其子千戶職

黃志據

黃啓鳴 (明史忠義張振德傳) 桐梓被奢崇明陷城知縣洪

桐梓縣志 卷六

秩官志

五一

維翰不屈死典史黃啓明亦死之所司上其狀贈維翰尙寶卿世廕千戶啓鳴重慶通判世廕百戶

唐文燿 廣西舉人崇禎間來令桐梓是時舊俗未盡革文教未盡宣文燿以轉移化導爲已任授庠生傳爾訥輩及遵義之董子策以春秋每月進諸生覃自重等課之或相與登遊賦詩科第之開權輿於此又舉鄉飲動讀法凡前之敝陋悉與更始而風俗一變二三年間瑞頰應之者有三瑞詩集三瑞白鹿見

魁巖羣鶴棲衙樹三月菊開花

黃志據

清

劉鎮國 邱志鎮 字龍章三韓監貢順治十七年隨王師取遵義

邱志鎮

正

因委署桐梓知縣按桐梓題名記云任此三年荒者闢逃者返耕者治田秀者絃誦於是建學宮作廳事及退思堂解任時邑



民爲立去思碑 賈志

王演 (遵郡紀事) 字鹿柴湖廣荊山貢生通判遵義時清丈桐梓縣田畝釐剔公平己酉攝桐篆恩德舊著愛戴尤切桐民有三至三望之愛陞大理寺少卿 黃志

蔡毓榮 漢軍正白旗人累官川湖總督康熙十二年吳三桂反遵義屬縣次第被陷十九年平寇大將軍彰泰跟追吳世璠以毓榮從軍事悉取決之北路兵遂復遵義俄爲賊帥馬寶所據至是雲南已困世璠趣寶赴救寶留僞總兵劉應昌守遵義提督周卜世自思南攻降之追敗寶於鴨溪口復正安仁懷桐梓綏陽各縣川督哈占自永寧進兵追寶至威甯毓榮奏請哈占還守成都北路兵遂罷二十一年任雲貴總督 節大定縣志  
賈國樞 山西曲沃拔貢康熙二十年來任桐梓時吳逆甫平

桐梓縣志 卷六 秩官志

事待整理乃建積粟倉於治堂右常平倉於治堂左勸士民捐穀實之用備緩急建義學於城內東芝蘆溪三處訓邑子弟建養濟院於治南以養孤老百廢俱興實心爲民暇攝孫敏政舊志續爲桐志一册後來得所援據國樞草創之力矣

向廷賡 (四川通志) 字修野號春海康熙丙子舉人甫弱冠兩試春闈遂絕意進取博極羣書教授生徒尤敦實行後官巴縣邛州潼川等處教授 黃志 雍正四年任邑教諭知趙天縱老而好學隱於魁山首先造訪遂與其子趙協中大中李銘詩傳同形等登虎峯遊龍洞提倡風雅庠序中競趨樸學遺留石刻墨迹神似松雪 桐志 七年總督鄂爾泰保薦除巴陵縣未幾告歸十一年舉博學鴻詞辭不赴卒年六十餘著畚海詩文集倫風史韻易圖貫述等書行世 黃志



蘇霖泓 (心齋隨筆)字雨蒼雲南舉人雍正十年由大定陞遵義知府先是五屬關稅外又有遵義縣小板等十四山場綏陽之永興桐梓之新街等山場權小稅銀四百餘兩市物不過布粟果蔬薪炭之類徵之不足則科市民鄉里舊設義倉名爲備荒實被奸胥盜罄官將核實復大歛於民掩飾一時旋歸私橐霖泓到任力請題免場稅復於城中建大有倉專積貯罷鄉里虛歛民以蘇息十三年征黃平古州諸苗以霖泓督糧臺司議照通省田糧派運霖泓以各府去古州丹江遠者且二千里一概派運重累民力請設臺馬遞運楚米建倉龍頭河貯之又運粵米轉運各營至賊平兵無匱食而民不擾在任八年陞江南大通道兩淮鹽運使致仕

黃志

陳玉璧 樓蘭譜字韞璞山東歷城人由蔭生知贛州府乾隆

桐梓縣志

卷六

秩官志

五三

三年來守遵義郡故多榭樹薪炭之外無所取材玉璧曰此青萊間樹也吾得以富吾民矣四年冬道人歸歷城購山蠶種兼以蠶師來至沅湘間蛹出不克就志益力六年冬復遣歸購種且以織師來期歲前到蛹得不出明年布種於郡郊春繭大獲遂徧諭鄉里教以放養繅織之法授以種給以工作之資經緯之具民爭趨若取異寶八年秋會衆報所獲繭八百萬自是郡善養蠶迄今遵綢之名與吳綾蜀錦爭價遵義視全黔獨饒玉璧之功也道光十八年題祀名宦祠

節黃志

按山蠶之利桐少於遵不啻倍蓰自變亂以來歇業過半惟扶歡埧初尙有山西客及洋莊客來近數年來兵匪無常而商號已視爲畏途矣

邱仲明 字且甫雲南嵩明州舉人雍正五年甫蒞桐卽奉行



勸首查丈郡歸黔後復奉清丈田畝仲明日奔馳荆棘霜露中  
矢公矢慎俾民不爭桐邑自崇禎末建學後學官貴民房以居  
至是仲坦始捐建學署六間於學宮左更建倉廩十間以存預  
備穀石增建義學一於城內自捐修膳日省月試邑中要務靡  
不修整又訂補賈國樞舊志以上舊志

朱德燧 字秋田廣西博白縣進士道光三年來任建文廟大  
成殿崇聖祠兩廡及官渡各橋梁皆捐廉倡率督掘壽國山暗  
河後護西道值十一年大水復來勘議改開戴家溝河道並捐  
銀五百兩留心地方者近今少其人焉

陳整 字景溪直隸文安縣舉人初任綏陽值辛卯大水委同  
本府來桐辦賑捐助數百金開戴家溝河道逐月來桐勘工道  
光十六年調桐任卽議修文廟大成門櫺星門泮池鄉宦兩祠

縣閣尊經閣明倫堂兩學署皆捐廉倡募計費七千餘金性侃  
直疾惡如仇強梁斂迹後因正安州加糧幾激民變藩司呂佺  
孫委辦悉照舊章民甚德之而上官劾之奉旨獲免晚調興義  
縣士民懇留竟卒於任年七十

甘雨施 字岱雲四川雲昌舉人道光二十年蒞任首創書院  
考棚值庚子大水因前官紳開河虛報成功兩施恐興大獄自  
捐銀五百又請上官亦捐多金撫卹隨開方家洞亦費千金尤  
勤於教士逐日講課詳文徵去思碑

周湜 字雲槎河南監生道光二十五年來署初到任見呈控  
多者惟令狐山茶七飭役捕役辭難捕喝曰汝夥奸害民必加  
重比役乃擁到堂重笞一千給以二百四十斤大枷數日委頓  
而死又讞一慣賊亦笞一千羣小股粟逃出鄰境四鄉夜不閉



戶蓋里俚刁健見官之嚴也相率斂迹焉其得諸葛治蜀之意歟惜滿年而去

蕭關保 字小崖江蘇吳縣人大興籍監生道光二十八年以府經歷來署禮士勤民謙以自處置卷田賑水災至今稱之

劉毅 字容夫安徽霍邱監生初任黎平經歷知府胡林翼器之保知州咸豐初楊鳳倡亂川兵復桐城於五年到任見從逆者逃伏各鄉蠢蠢欲動因偕邑紳趙旭先撫夜婁二里蘆里鄒辰保亦願投順又同遵義府楊書魁去撫察賊性無改議請兵勦府不許乃同趙旭溫耿光譚維德金光燦令狐明標等募練守城府以爲多事也飭之十月二十二日鄒逆糾遵義徐子容侯廷魁綏陽劉沛然仁懷王升隆等萬餘賊來攻城中民戶四百新練二百布堞不周衆皆惶懼毅誓以死守信賞必罰尤卹

貧賤七晝八夜無一息之寧賊必欲得城日夜蟻附礮石齊下死屍狼籍滿地會府協來援賊乃退追練肆掠鄉民皆變賊再轉攻團復夾擊鄒逆敗散潛於洞內塞以待斃爲兵練撤早致賊逸出毅恃守城勞而詬府專事羈縻書魁遂揭其任性殘殺故撤省守城之功付諸流水矣二月卸任紳民巷哭而送毅亦流涕長潛未幾書魁檄署東道欲其廣爲招撫也至銅仁賊首迎入戕之

檔冊  
下同

王明德 字峻亭貴陽行伍由右營把總升千總咸豐五年復城後來汎從此四郊多壘留南門以出入明德日夜在城無或稍懈常曰城垣六百八十丈得諸君分防我只謹其啓閉鄒逆目無此城賴衆志相成數年之久不求有功先求無過耳至於開礮擊賊屍橫遍野豈一人之力哉後蔣令揭其安居城中不



出辦賊撤任去

江炳琳 字介侯四川江津舉人大挑知縣楊鳳圍郡城四川提督進剿以隨員留署仁懷縣鄒辰保敗退炳琳亦過界會剿仁懷肅清咸豐六年調署綏陽又勦平趙里穆二同各逆七年遵民王安國恃團跋扈鄰縣均其管轄炳琳預練千人俟調遵義乘勢進攻上年已暗使勇士四人陸續投進為其心腹及臨戰之頃火藥濡濕槍刀缺毀安國父子束手待擒加固勇巴圖魯准補同知直隸州八年由綏陽進攻夜里石筭等處苦戰數月鎗傷幾死卒勦平之螺蟹鼻孔山穆玉朋梁三同等據險恣劫縣練委靡協剿川兵副將亦觀望炳琳自任能辦故調兼署除松坎抽釐日進百金又迫措捐輸旬收三萬緡賊甚畏懼奈巢穴險峻有力難施乃使人說降賊亦以降為緩兵之計往返

桐梓縣志

卷六

秩官志

五六

再四始共出巢悉解省殲之而赦穆玉朋於路是役也甫及兩月桐梓肅清不料涓甕積匪已進遵義布滿東鄉炳琳甫由省轉倉猝相遇中伏而亡時九年十一月也從此遵郡蹂躪幾無完土旋奉勅建專祠從優議卹以侄為嗣

羅國輔 字鼎臣麻哈州人咸豐時苗匪變亂國輔以諸生募練擊賊別股乘隙陷城全家盡失丙子夏以勞績署邑訓導故事學官值考試索新生贄敬銀不過數金十數金近有破中人家十家之產者國輔曰昔當大變止剩殘生不料復育三子天之於我亦厚矣忍以儒官而學寇劫耶故吝贄儀者從未加以疾聲厲色踰年卒諸生致奠儀輟從厚焉相傳雍正間向廷廣官此勵品節後惟國輔能繼其美

蔣玉龍 字雲亭四川昭化縣人由行伍歷升靖遠營遊擊署



我邊營參將咸豐四年楊鳳反據桐梓仁懷進圍遵義貴州提督趙萬春不敢擊賊及川督奏派提督萬福帶兵進剿以玉龍爲翼長出合江向仁懷敗賊首王升龍攻涼村連捷至溫水汛賊退九垓玉龍冒雪衝殺舒犬及鳳子楊冬不能抵遁上遵義玉龍乘勝至桐梓會聯魁亦遁遂復縣城四鄉網送之賊以千計斬釋各半良善皆安時重慶鎮總兵白陞由綦江進攻酒店壩連戰報捷至新站均會城下玉龍旋克復仁懷誅楊金楊鳳先自燒其營竄黔西州回環九郡玉龍同雲貴兵竟追滅之而苗教各匪遂亦大起五年升貴州提督九年在偏場兵潰罷職回籍未幾又署四川提督逾年病卒

蹇諤 字一士遵義舉人大挑以教職用楊鳳反久困郡城提督調兵六千不敢接仗賊帥李七屯據龍平場之水口寺諤率

桐梓縣志

卷六

秩官志

五七

團練潛塞其門擲火燒之數百人焦焉保知縣加同知銜明年鄒辰保復亂圍縣城諤隨遵義府帶練千餘赴援賊始退追至四岡練無紀律見賊返奔副將祥福先遁諤遂陣亡幫辦之武舉池蓮培亦陣亡於大楓樹均從優議卹

王萬祥 字福臣雲南人鄒辰保之亂縣令飛請兵饗巡撫蔣蔚遠檄都司王萬祥帶雲南兵四百至城圍已解鄒逆敗藏落水洞侯廷魁徐子容藏石步洞萬祥追去分攻石步檢侯徐諸首賊宥其脅從者鄒逆逸出知府卽行稟撤及石大開於辛酉秋竄桐萬祥時已升副將同楊巖保吳安康四鎮八協各統兵追來諸將盤距市廛騷擾城鄉萬祥則擇地爲營嚴其出入稍有違犯割耳不貸官民稱頌不置焉

姚華勝 字萃亭湖南人留黔副將白號賊張保川冒充明裔



僭元嗣統壬戌冬襲據鼎山寨逼攻縣城時沈宏富駐師遵義令華勝帶五營來援癸亥正月十二夜賊梯城燒後山守棚華勝同城民周二等奮力擊退苦守八月常以心腹數人投入賊營故賊襲城華勝必預知以爲之備六月沈宏富督兵進攻賊始棄寨而竄是役也非全祖凱敗而復進賊不走非姚華勝同紳民苦守城必失後官古州總兵

全祖凱 字翊成湖南清泉縣人隨田興恕積功至總兵沈宏富奏辦貴州東北兩路賊匪祖凱爲營務處鼎山久不下令祖凱統數營由石炭關毛垵進紮至山麓斷賊饗道其老巢在涓潭繞道來援營官劉名貴周學貴四營投賊合攻中營祖凱大敗妻小皆失憤極再率數營進紮會沈宏富奉旨嚴飭自行督勦復結降卒以爲內應六月十五日賊棄鼎山城圍始解祖凱

桐梓縣志

卷六

秩官志

五八

補昭通鎮總兵

龍統靈 字雲生沈宏富之營官也膽力絕人以都司隨姚華勝援桐先紮虎峰寺擊斃攻城賊甚夥後紮紅花園防鼎山賊下阻大路也就近居民均依附焉同治二年五月十八日涓潭援賊力攻合營皆覆兵民共死一百餘人明日鼎山麓全祖凱各營盡潰統靈被縛山上大罵不絕碎割而死年僅三十

鍾昌林 字錦城湖南人以參將爲沈宏富營官壬戌秋粵軍轉竄圍黔西州城垂破昌林乘夜赴援侵晨冒霧擂鼓而進敵不知多寡奔往大定其冬號匪攻桐梓隨姚華勝自郡來援獨營官渡河賊擾魚溪半山等處爲昌林擊退其弟某官及練目黃滿團丁陳冬三人驍勇素著皆力戰陣亡時圍困既久城局供糧不繼就近團首馬成德傅昌明竭力爲之籌辦始免一方



蹂躪先是局紳趙貽遠挾委員苛派激變致土匪引賊奪寨攻城遠邇燦爛衆情憤怒昌林以姚華勝私庇貽遠秘白沈鎮一面誘而誅之未幾沈鎮進剿賊乃棄寨而去後補大定協

劉鴻齡 字崧生湖南溆浦人以練勇從征江西保至都司隨調四川帶果毅營禦粵軍克階州升副將總兵銜加勳勇烈勇巴圖魯同治乙丑李炳南肆掠川邊川督檄其追捕並爲果後軍後援蓋炳南是令狐元濟小團元濟又是汪正紳大團正紳同張春圃結納勢宦暗赴川邊以覘動靜鶴齡追獲於趕水正紳出頭袒庇不得悉萃羣賊踞鏹尖山恃其地險炮巨鶴齡引兵力攻陣亡中營官劉洛望十餘員傷者千計乃挖掘地道轟以火藥山裂石飛賊抵死抗拒陣亡左營官譙見壽數員傷又無算果後軍時攻綏陽不慮正紳阻其後路反揭鶴齡妄打民

團弗相援應駱督檄知府蹇閻新補貴州提督周達武各率所部明援暗察正紳別使趙正光擊殺松坎局員更約安字號萬餘賊出擾合江爲周提督擊散地雷兩轟石牆仍厚遂由外面層層進逼且結趙正攀爲內應二月初三日兵團急攻內應又起生擒汪正紳李炳南張濟魁楊先首從數百人各寨皆剗全股肅清川黔兩邊三萬家若出水火矣七年大舉援黔攻克偏刀水賊巢渡烏江收復甕安城平玉華山老巢擒殺人王王成忠再克尙大坪獲教祖劉義順賞黃馬褂以提督記名又復黃平州甕谷龍螃蟹各苗巢黔省大半肅清曾黔撫劾總統唐炯於是安定果毅兩軍皆撤其後奏辦下游軍務久乃鎮宜昌有事日本赴川募練道卒

張兆蘭 字仲香鎮遠府人襄辦劉鶴齡果毅軍克復階州保



升知州李炳南燒劫川邊川督檄安耀兩營檢捕不獲又檄果毅軍前進兆蘭同鄧錡率師至松坎衆遏其耀檄趙彝憑參其軍具呈各情川督允奏進攻鏢尖山汪正紳恃險力抗兩次掘隧轟以火藥石牆雖裂猶復死守築圍蹙迫方阻進出探悉趙正光劫殺松坎委員其弟正攀現在賊寨趙彝憑計令其降乘勢襲入首從皆擒當賊之未下也恃有援於縣官而果後軍代其稟揭川督令文武大員互查適賊勾結安字號擾邊以圖牽制周提督粹爲所乘奮力擊散始無游移事平兆蘭加運同銜後二年進剿下游攻破偏刀水逆巢升同知直隸州旋署內江威遠各縣卒年七十

鄧錡 字伯平湖南溆浦人祖大猷以舉人官乾州學正父于瑄咸豐九年錡隨駱秉章援蜀幫辦劉鶴齡果毅軍克復階州

保知縣同治四年冬勦鏢尖山汪正紳使張春圃潛出川與黨會哨錡阻趕水獲之當卽密陳而果後軍代爲辨釋川督旣奏不能無疑檄蹇闈周達武先後廉察正紳適使劫殺釐金委員又賂安字號擾邊且日出衝擊我軍頻見傷亡乃奏急切未下現仍設法圍攻錡常親身赴敵故勇敢之士冠於他軍明年二月歲事升同知直隸州七年大舉援黔錡以偏師分剿廟垠老巢正安婺川龍泉餘慶一律肅清換孔雀翎總理營務渡烏江收復甕安城平輻頂山老巢擒劉義順升雲南府復克上塘黃平兩州城升道員丁母舒憂奪情轉營進克螞蟹寨甕谷龍黃標白堡等處羣苗悉聚交烏洞堵而熏之死絕五千餘家加勇號布政使銜九年秋積勞病故年四十五照陣亡例優卹世襲騎都尉



劉洛望 字鏡臣湖南淑浦人從征兩粵兩湖江西江蘇克復  
階州積功保至參將加武勇巴圖魯爲果毅中營官進剿鏹尖  
山山險莫高洛望排樹雲梯猛撲寨牆賊礮亂下當卽殞命同  
死者千總龍會雲數十人傷者無算奉旨優卹地方人爲立祠  
於松坎馬鞍山後二年劉鶴齡援黔至松坎設牌位致祭飭看  
司焚之旋見洛望多人騎馬來祠立索其命去足知靈爽之不  
沒矣

諶見壽 字南垣湖南人以遊擊爲果毅軍左營官鏹尖山力  
攻不下乃議掘地洞轟破其城離寨二十丈日夜攻鑿四年十  
二月二十二日至牆下開塘二丈實火藥萬斤黎明發火石衝  
半空如霹靂聲震見壽鼓勇先登砲石如雨同守備皮明玉把  
總鄧開學鄧成道王有德李洪順等二十五名死不旋踵傷者

無算賊亦震斃多名從此耳聾心搖逾月卽滅奉旨均優卹  
成耀星 潘長青皆湖南人耀星帶耀字營長青帶安字營均  
保至總兵鏹尖山平後何元易方官保等尙踞油籬口洞該洞  
界綏陽桐梓岷巖削壁怪石嵯峨中闊口狹有似油籬元易本  
楊鳳餘黨與方官保宋仲清盤踞數洞時出劫殺且合趙正光  
前救鏹尖山劫松坎殺委員五年七月成潘合軍進剿近城各  
團助之仰視懸巖無下手處乃逐日運負柴草擬用火攻忽賊  
誤然其火藥轟死首從多人乘勢掃平未幾正光亦獲 附新  
站示禁碑統領湖南耀安各營提督軍門成潘爲示禁事照得  
油籬口何元易方官保宋仲清等造逆十有餘年破城戕官罪  
難髮數猶復踞守油籬口各處險洞時出搶劫實爲川黔邊患  
本軍門督率各軍以次掃蕩茲於十月初六七八等日攻克大



洞磔殺首逆何元易十餘名餘賊悉數殄殲將洞封塞並於各洞刻碑示禁爰將方官保宋仲清田土查點入公交地方公直紳團執掌每年輪雇長工六名校巡各洞以免日久擅開卽以逆產所出米糧爲長工役食除將各情移知綏陽桐梓兩縣存案外合行曉諭爲此示仰綏桐兩縣紳團人等並所雇長工知悉油籬口既經本軍門封毀永遠不許擅開入洞居住倘有故犯許該團首等拿摠送官以憑盡法懲辦該紳團稽查不力或得錢賣放地方官自必嚴究本軍門來往黔邊聞有前項情弊定照軍法從事各宜凜遵勿違特示同治五年丙寅歲十二月吉日右碑立新站財神廟

蹇閻 字子和謬弟官四川知府奏派率師援黔復湄潭縣擒朱僞王保道員留辦善後張開梓者蘆溪里人也同鄒辰保圍

城敗後戕其夥劉沛然來降仍爲團首聲勢日大以爭團爲名劫殺爲事聞知某與渠素結盟會互相黨援故令先招之再率綏輯營更截留武字二營進攻開梓開梓知勢不敵降而復逸衆以渠宅後千年大柵亭亭如蓋必其元神所寄乃伐斷其樹文彩爛然開梓及二子果於是日擒獲黔撫保奏閻加布政使銜某保功焉

凌彝銘 字鏡涵安徽懷遠附生由軍功保知縣同治十年來任時狐鼠憑社恣其淫殺欽案久懸特爲稟辦臬司勿許遂亦袖手因議開河捐罰不敷乃移而修武廟火神廟魁閣及城中街道膏火資興義學等項計三萬餘緡婁里李豐泰距海孔洞劫擄良懦數十人聚散不常調團會剿甚著戰績凡有作爲必訪胥役於是羣小互相毀譽遵義府檄革數名然已無及矣如



前府縣再四核准糧單訟費合署勿許效尤者繼長增高積漸成例羣庶不無失望耳

彭元春 字伯陽松桃廳人以行伍征江南保至都司補遵義協左營把總同治十一年署桐梓汎千總後調練軍哨官帶百人駐防板橋光緒六年九月初三日教匪畢香亭謀襲桐城天明自退元春聞信赴援徧搜黨羽不計利害適遇畢香亭放逃被鄰團楊華芳縛致元春斬之從此根株悉淨使當日稍涉顧忌必致死灰復燃蓋香亭密邇本團嘯聚多時事起不知若非夜雨相阻全城陷於夢裏矣隨辦善後繕兵籌餉表裏皆功獨操勝算上天厭亂得免蔓延爲幸多矣旋升游擊

魏學恆 字玉銘湖南衡陽人以監生官同知先緒三年署桐梓在任督紳開鑿戴家溝暗洞捲石數百丈全以人力奪天工

桐梓縣志 卷六 秩官志

六二

任滿去上憲許爲治河能員特委復任以責成效果獲疏通至今桐民得免馮夷之患公之德矣

何宗輪 字鐵琴湖南善化人光緒十六年來桐歷任十二載勤慎愛民治績昭著如疏通河工暗洞俾免淹沒創置糞田以惠寒峻其大較矣尤繫人思者丁酉水災異常請帑賑卹庚子大飢捐廉平糶又值陳玉川叛襲破仁懷桐民一日數驚宗輪督衆守城保全甚巨其他課士聽訟弭盜諸政事皆不遺餘力遷升銅仁知府去思碑區今猶林立

王孔鑄 字紹農山東人光緒丁未蒞任時初變法前任張斗南就書院考棚爲學堂模範未具孔鑄至一切改建每日親臨監工講堂操場各室俱臻完備並創一二三初等各校室尅日就緒尤善書畫各校匾額多出其手高等小學外操場側有小



池於池心鑿石構亭額曰鏡溪亭購置報紙實其中以備士庶流覽桐梓文化進步皆孔鑄發軔之力矣縣屬陋規各公署每日均由屠案供應差肉只給半價孔鑄悉能之豈弟君子民之父母民到於今稱之

袁玉錫 字季九湖北進士光緒三十一年官遵義知府時詔停科舉開辦學堂玉錫仿照考棚及湘川書院前例卽協署右荷花池建五屬初級師範學堂又就協署建五屬中學堂檄桐梓送高小畢業生三十人入堂受學概給官費以資鼓勵學務發展權輿於此後升雲南勸業道去任後勒石於學堂門外以爲記念